



TERORIZAM

SIPA spriječila ekstremiste da odu na ratište u Siriju

Uhapšena četvorica, nađen arsenal oružja!

Tri osobe uhapšene u Velikoj Kladuši, a jedna u Turskoj • U pretresima pronaden i propagandni materijal • Uhapšen Ahmed Mustafić, blizak Bilalu Bosniću • Senad Koštić vraćen iz Turske

Državna agencija za istrage i zaštitu (**SIPA**) u posljednja dva dana, u okviru nastavka akcije „Damask“, uhapsila je četiri osobe pod sumnjom da su planirale pridruživanje stranim paravojnim formacijama, odnosno odlazak u Siriju na ratište.

Osnovane sumnje

Uz pomoć Ministarstva unutrašnjih poslova Unsko-sanskog kantona slobode su lišene ukupno tri osobe, a pretreseno je više objekata na području Velike Kladuše. Jedna osoba je uhapšena

u Turskoj, pa vraćena u BiH. U akciji u USK pronađeni su i arsenal naoružanja te propagandni materijal koji se dovodi u vezu s terorističkom organizacijom ISIL. BiH se odlukom Predsjedništva BiH priključila međunarodnoj koaliciji za borbu protiv ove zloglasne terorističke organizacije.

- Na području Velike Kladuše uhapšene su osobe inicijala N. S. (1988.), A. M.

(1960.) i Dž. V. (1989.) zbog postojanja osnova sumnje da su počinili krivično djelo iz člana 162b KZBiH stav (3) „Protivzakonito formiranje i pridruživanje stranim paravojnim ili parapolijskim formacijama“ – saopćeno je iz **SIPA**-e.

Prema nezvaničnim informacijama do kojih je došao „Avaz“, slobode su lišeni Ahmet Mustafić, Nermin Šabić i Dževad Vehabović. „Avaz“ je u popodnevним satima razgovarao sa suprugom uhapšenog Vehabovića, koja je objasnila da se ne brine jer kod njenog supruga nije pronađeno ništa kompromitirajuće.

- Moj Dževo nema veze s

bilo čime što je nezakonito. On je čist, to su shvatili i istražitelji. Pregledali su mobitele, sve živo, nema ni poruke ni slike, ničega što bi upućivalo da je imao ikakve veze s njima – kazala je.

Nermin Šabić je brat rahmetli Suada Šabića iz Bosanske Bojne koji je poginuo u Siriji u januaru prošle godine, gdje je i ukopan. Za Mustafića se zna da je blizak Bilalu Bosniću i da je prošle godine 9. septembra svjedočio u njegovu korist te je radio kod Bosnića kao čoban.

Vraćen u BiH

Jučer je u zajedničkoj saradnji Tužilaštva BiH i partnerskih institucija u Tur-

skoj i Crnoj Gori, na području Turske uhapšen državljanin BiH u pokušaju da ode u Siriju, potvrđeno je iz Tužilaštva BiH. Riječ je o Senadu Koštiću rođenom 20. novembra 1993. godine iz Velike Kladuše. Prema prikupljenim dokazima, osumnjičeni je iz BiH otputovao u Podgoricu te nakon toga avionom u pravcu Turske, gdje je lišen slobode.

U koordiniranoj akciji Tužilaštva BiH i partnerskih institucija, osumnjičeni je vraćen iz Turske u Crnu Goru. Na graničnom prijelazu sa BiH predat je policijskim službenicima BiH i priveden u Tužilaštvo BiH, gdje je ispitan. **M.DEDIĆ**



Šabićeva kuća u Bosanskoj Bojni: Pretres i potraga za dokazima



Mačeta i zastava ISIL-a

Tokom pretresa pronađeni su i oduzeti šest ručnih bombi, trenutna tromblonska mina, dvije protivpješadijske nagazne mine, 26 komada municije za puškomitraljez M-84 7,62 milimetra, 30 komada puščane municije 7,9

milimetara, šest komada pištoljske municije 7,65 milimetara, mačeta, zastava ISIL-a, plastični šablon za oslikavanje obilježja ISIL-a, mobilni telefoni, SIM kartice i drugi predmeti koji mogu poslužiti kao dokaz.

'Dosta mi je moje muke'

Uhapšeni Koštac je, kako saznajemo, iz Vrnograča. U selu nam je potvrđeno da su jučer njegovoj kući dolazili džipovi Državne agencije za istrage i zaštitu.

- Da vam pravo kažem, ne

želim davati nikome nikakve izjave. To sam rekao i policiji. Dosta mi je moje muke – u telefonskom razgovoru kazao nam je Senadov otac Meho Koštić priznavši jedino da su uznemireni i on i njegova porodica.